



Inatsisartunut ilaasortaq Mikivsuk Thomassen, Inuit Ataqatigiit
/Maani

Timmisartukkut angallanneq pillugu § 37 tunngavigalugu apeqqummut nr. 2023-85-imut akissut

09-06-2023
Suliap normua 2023 - 3864
All. normua 22954508

Inatsisartut Suleriaasianni § 37, imm. 1 naapertorlugu timmisartukkut angallanneq pillugu Naalakkersuisunut apeqquqarputit.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

Apeqqutigineqartut tullinnguuttuni akineqarput.

Apeqqutit 1. Naalakkersuinikkut piginnittuunermut politikki pillugu sinaakkutissatut isumaqatigiisummi siunnerfiuvoq ingerlatseqatigiiffiit inuiaqatigiinnut akisussaaqataassasut aamma sinneqartoorujussuarternit politikkeqarfigineqassasuti. Isumaqatigiissut tamanna piginnittut timmisartukkut angallannikkut assartuussinermullu tunngatillugu qanoq timitaliiffiginiarpaat?

Akissut: Piginnittuuneq pillugu politikki 2023-p aamma 2024-p ingerlanerani atuutinneqalissaaq. Politikki malillugu qaqugukkut iluanaarutinik akiliuteqartoqarnikkut naleqqussaalluortoqassanersoq tunngavinnik imatut nassuiaasoqassaaq:

- ingerlatseqatigiiffiit innuttaasunut sinneqartoorutit iluaqutaasussanngorlugit akinik appaasinnaasut.
- ingerlatseqatigiiffiit aningaasaateqarpallaassanngitsut
- ingerlatseqatigiiffiit aningaasaqarnikkut inissisimaffiat aaqqissuusaanikkullu siunertaat aallaavigalugit immikkoortinneqarsinnaassasut
- ingerlatseqatigiiffiit pitsanngorsarniarlugit sinneqartoortoqarnissamut piumasaqarneq kajumissaataassasoq

Naalakkersuisut piffissami aggersumi tunngavinnik taakkununga sukumiissumik suliaqarnissaminnut qilanaarput.

Apeqqutit 2. Timmissartukkut angallanneq Qaanaamiit Upernavimmut akit qaffariarujussuarsimani piginnittut ilisimavaat?

Akissut: Ineqarnermut Attaveqaasersuutinullu Naalakkersuisumit Qaanaap Upernaviullu akornanni angallannikkut isumaqatigiissuteqarnermut akisussaasumut akissuteqaamik pissarsiaqarpugut, matumanilu akissuteqaateqarpoq:

"Air Greenlandimit paasitinneqarpunga, "standard flexibel" billet isumaqatigiissutit malillugit akeqartinneqartoq, takuuk kiffartuussinissamut isumaqatigiissut.

Taamaattorli "standard" aamma "Takuss" billetinut akigitit appasinnerusussaagaluartut kukkusumik inissimasimasut paasitinneqarpunga. Taakkunani kukkuneq peqqutaalluni standard flexibel billetimit qaffasinnerujussuannngorsimapput.

Tamanna massakut aaqqinneqarsimasoq nalunaarfigitippunga."

Apeqqutit 3. Piginnittut Air Greenlandip akinik qaffaanera, naak ingerlatseqatigiiffik Air Greenland sinneqartooruteqaraluartoq, pissusissamisoortutut isigivaat?

Akissut: Apeqqummut 2-mut akissut takuuk.

Apeqqutit 4. Piginnittut timmisartumik angallannikkut akit minnerpaaffilisissallugit ingerlatseqatigiiffimmut piumasaqaateqassamaarpat?

Akissut: Apeqqummut 1-mut akissut takuuk.

Inussiarnersumik inuulluaqqusillunga

A handwritten signature in blue ink, consisting of several loops and a long horizontal stroke at the top.

Múte Bourup Egede